

GOSPEL TANGKOU

(GOSPEL HERALD)

Issue No. 3

Volume: XXXIX

MARCH: 2025



Appreciation of MELC Mission Teachers



LYF GHQ Incharge kipiana

LYF/LED One Day Sport


KUM THUPI

“Na Gam Hing Tung Hen”

— (Mathiu 6:10) —



Trinity Tailoring 2nd Batch Honna



LDC Written Test



Bishop Shillong zinna

EDITOR:
RT. REV. KHUP DO KHEN,
BISHOP

EDITORIAL BOARD:**Editor**

Rt. Rev. Khup Do Khen Bishop

Mobile: +919612388924

E-mail: khupdokhen@gmail.com

Join Editor:

Rev Suanboi Tungdim, Director of Ministries

Mob: +918837008618

Email: suanboi@gmail.com

Managing Editor:

Pastor M. Kamneithang Zou

Mobile No: +918974609177

E-mail: pastormthangboizou@gmail.com

Contributing Editor:

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Mr Jangkholen Mate
(Mission Promotor)
6. Nh. Nuamboi
(Women Promotor)
7. Divisional Superintendent teng

Design & Setting:

Upa Khuplajem Guite

Circulation Manager:

Pa Dongzakam

Mob: +919612198903

Upa Tutzamung

Mob: +918731830436

CONTENTS

1. EDITORIAL : 1
2. KHELNA KHU AHING KATUM
THEI MEI TOH KIBANG AHI : 2
3. ITNA A MIT AHING TAWT
CHIENG : 3
4. SERIAL - 3
"DARE, DARE AGAIN
ALWAYS DARE"? : 7
5. BANGZIEH A LAMKAITE
LAWSAM UH E : 9
6. KHRISTIAN HINKHUO LEH
QUIET TIME : 12
7. SIMLEI VAI - LOS ANGELES : 15
8. PASIAN BIEH DAN KIKHEL... 20
9. HA CHIN A KUM THUPI... : 24
10. MISSIONARY CPLUMN : 25
11. MISSION COLUMN : 28
12. LYF COLUMN : 29
13. MELC INNSUNG THU : 31

Life Member : ₹ 3000/-**Patron Member** : ₹ 2000/-**Kum Khat lah man:**

- i) Khut ah ₹ 200/-
- ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrts@mail.com leh WhatsApp tungtawn a zong piehthei ding ahi. A lahmaan Circulation Manager kung a pieh ding ahi. Tualeh Article kigel zousie Editorte ngaidan ahikim suoh sih hi

Editorial laikung pan



NA GAM HING TUNG HEN

Laisiangthou Matthai 6:9-15 mun ah i Mangpa Jesu in a nuazuite thum dingdan ahilna leh Mangpa Thumna sauzaw leh kimzaw a ahilchienna imu thei hi. Luk 11:1 na mun lam i et leh Nuazuite'n, alamkaipa uh Jesu thungetdan bang a ngen ut leh zil ut ahi dan uh imu thei hi. Tami Manpan eite thunget dingdan ahing zilsna thute ingaitua chiengin, ei mihing deithusam kimzou senglou bang isa kha maithei uhi. Ahiin, Pasion gelna leh eite ngimdan akibah louna aup zieh jong hi van in, eisanga theizaw, eite ilungput-ilunggel theipan, ei adinga hoizaw athei tham ding hi.

Na gam hing tung hen chi thugual pen moh gen ngam ding ahi sih hi. Aziehpén, Pasion gam hing tung tahpi leh lahlou leh nuasie aum ding tampi um kha maithei ihi uhi. Pasion lenggam umdantah khu, Pasion lungsim bang bang, ei anua zui a Khristian kichiten, inei ding uh ahi. Tuabang lunggel lungput inei chiengun, Pasion lenggam khu eite lah ah ahing um thei ta ding hi. Tami khu Pasion lenggam eite laha ahing umthei nading lampi ahipan giep hi.

“Pasion miten aupna uh Solkar vaihawmte douna khu khelna lienpi, Pasion douna ahi chi a thei ding uh” - **Robert Haldane**.

Khelna khu ahing katum thei
MEI TOH KIBANG AHI

- Retd. Rev. Dr Hangminthang

Gingtute lah ah zong khelna a tangnet (common) mama mai hi. Gingtute lah a khelna in vai ahichi hawm va ie khu bang zieh hidin na ngaituo ei? Azieh ahi dia ngaituo khat khu: “Koiman ahing mulou pouleh Pasion in zong hing mulou dinga ngaituona inei zieh uh ahi. Ahin, Laisiengthou in: ‘Khum banga na bawl sih uleh, Mangpa tunga sil bawl khiel na hi diing uhi. Ngai un, nakhelna un ahing mukhe ngei ngei diing hi” (Kisimna 32:23).

Koima’n ahing mulou pou leh Pasion in zong hing mulou diing banga ingaituo lai un, ikhelna bawl pen mama in, hing mukhie a, hing mankhe thou thou diing ahidan Bible in ahing hil hi. Pasion in ahing mu zieh a ikhelna mama in ahing mukhieh sah ahi.

Khelna toh kisai a akibang lou mi thumte en vai, amaute:

1. Joseph in khelna ataisan hi (Gen.39:7-13).

Joseph in khelna (angkawmna) a taidohsan dan imu hi. Khelna in Joseph a zawl a, hun lemtang leh mun

lemtaang tah zong apie a, hinanleh Joseph in, Pasion in mu zing ahidan, alungsim leh a hagau in a thei chien mama ziehin, atai dohsan thei hi. Khelna pen ataisan bep hilou in, amun zong ataikhieh san hi.

2. David in khelna a haanlut hi (11:2-5).

David in Bethseba (Uria ji) kisil lai agalmu a, a suohte ahaan sah a, a luppi a, angkawm khelna ah a pua tahi. Joseph in khelna a taidoh san lai in, David in Khelna a inn ah a haanlut hi. Pasion mi chiet chiet, kibang sih uh e maw!

“Lou nasempa in na hotel ua mun atang zoulou leh Vice-President pa in zong mun atang tuon sih ding hi”- **Thomas Jefferson**.

3. Samson in khelna a va- zuon hi (Vaihawmte Bung 14-16 sung).

Israelte lah a leengpa anei masang un, thukhente in vaihawmte a la ua, khumte lah ah Samson zong vaihawmte 13na ahi. Israelte leh Philistin mite'n kitanauna bangma a nei sih ua, ji leta a zong kilatuo lou (Pasian in a phallou) ahi uhi. Khum bang ahilai in, Samson in, Philistlin nungachte avangai

hi (Vai.14:7 leh 16: 4-31).

Samson in khelna ava guon hi. Tam Samson bangin, tulai Khristiante lah ah zong, khelna iva zot thaw chiet ua, ina zuon ua, Pasian tungah sil ibawl khiel khaleng uhi. Khelna bawl khu Pasian tunga khelna bawl na ahi (Gen. 39:9b, Sam 51:4). Ngaidam lou khelna khu gawtlou in a um sih diing hi.

Source: Gospel Tangkou March 2020 Issue

ITNA A MIT AHING TAWT CHIENG

(When love becomes blind)

Text: 2 Samuel 13: 1ff

- Pastor T. Chinlunmang.

Tulai khangthahte ten i buoipi pen hi ding a kagintat nungah leh tangval kikal a ki itna hiding in ka ngaituo a, khanglai tampi buoina koima kunga agen ngamlou uzong ahi. Khanglai hun sung in abuo i khalou koima umlou ding in gingta ing.

Khanglai hun nopthei bang a zang ding chi'n Khanglai tampite'n mikhat in ahing itlou zieh pou in i hinkhuo uh bang malou suo in innsung, khosung, hattuom,

gamsung leh i nam ading in a buoihuoipen suo in eima zong kitheilou khop in hinkhuo i zang uhi. Khanglaite'n itna a mittaw ahi chi in i itpen toh kiteng lei leitunga

“Hepina panglou in na pe thei a, hinanleh na pieh lou leh hepina tahtah thei sihvate” - **Amy Carmichael.**

koima englou ding khop a kingaitua in i itpen in ahing khen chiangin ki ngaisegop in i hinna tanpha iki la uhi. Tunia tami Laisiengthou tungton ah ka gen nuom ahi leh itna pen amit taw hilou in amit vah mama ahi chi thei ah **“ITNA MITTAW”** chi a eima leh i innsung buoisah nonlou ding a panlah chiet ding a tami ana sim ding in kahing chiel hi.

I Laisiengthou tel apat **ITNA MITTAW** ichi chieng a sil hoilou hing tungte en vai:

Tahsa damlouna (Tang 2):
“Amnon in Tamar a ngaiseng jiehin a china tahi” Khanglai tapi mikhat ngaijieh in damdoi in a suhdam theilou natna (Zawlgau vei) in bangnma zong sem ngap pou, ann zong nengap lou in hinkhuo zang i um ding uhi, Amnon in Tamar a ngai mama ah hinaleh Tamar in theiphalou, akung a gen ding lah hahasa mama a sangggamnu ahi ziehin.

Kohmuna dihlou (Wrong Advice). Tang 3-5: Amnon in Tamar a ngai pen a genna dingte kung ah gen ngamlou in mi khelpi khat Jonadab kunga ava gen leh leh Jonadab in a bawl dingdan ahil pen ahoilou topkhovot ahi. Khanglai tampite'n zong lawmngaiinei chieng in a genna ding a kilawm leh thuhilna lahna ding a kilawm inu, ipa, pastor leh upate kunga gen ngamlou in in i lawmte kungah igen ua, bang thuhilna ahing pie uai!, ahing thuhilna uh ahoi ei!, Thuhilna nala namun apat in mailam ah na sil bawl ding pen achiang sah ahita hi. a genna dingte kunga igen lou ziehun Jonadab in Amnon a thuhilna bang i lawmte kunga imu uhi. Lawm ngai nanei leh na nu le napa leh Pastorte sanga thuhilna hoi hing pethei ding koima umlou ahi ama uh kunga gen in in.

Zuau atel hi (Tang 6):
 Jonadab thuhilna bang

“Na lungsim a dih a na theite khu bawl sawm inlen, gensietna na tua ding kithei inlen, hangsan in” - **Eleanor Roosevelt.**

in Amnon in Tamar toh a umkhawm theina ding in chinaa kipang in apa David kunga Tamar ama neh leh tah ding buoipi sah ding in a ngen hi. Thuhiltu dihloou in thudih hinghil lou in zuau ahing hil ding ahi chi thei inlen itna thu ah buoina nanei leh na lawmte dong lou in thudih hinghilthei ding nanu, napa leh Pastorte dong lechin zuau hinghil lou ding uhi Itna khu a mittaw ahi naci leh zuau ahi a, nang le nang zuau ah kisu lungmuong nahi.

Tahsa utna suhpichin utna a um hi (Tang 9-14): Amnon in Jonadab thuhilna bangin apa David kunga Tamar ama enkol dingin angen a, Tamar in aneh leh tah ding a buoipi lai in Amnon in a tahsa utna supichin sawm in inndan sunga apat mijousie pawt ding in a sawl a, Tamar pummat in a luppi ta hi. Amnon silbawl khu ahitheilou ding a sanggamnu Tamar pen Sanggam banga mulou in a itna mittaw in

a tahsah utna suhpichinna ding in a musah hi. Tam khu Jonadab thuhina apat hing kipan ahi.

Minsietna ahing tut hi (Tang 13): Amnon in in Tamar a pongbawl na pen Lengpa innsung a ding in minsietna ahi a, Israelte siltung ngailou ahi, Tamar in Amnon kunga “*Ka minsietna hei a kaphuol ta diei?*” achi pen nang zong itna a mittaw ahi naci leh na tuo ngeingei ding ahi. Tuahun chieng in kikhelta ding ahi man in tun ahun laitah in khanglaite’n itna i mu dan pen hengthei lei ahoi mama ding hi.

Mimaw nahi (Tang 13): Tamar in Amnon kunga a a pongbawl sawm lai in “*Israelte lah a mimaw khata sim nahi ding hi*” achi, Mimaw in thuhilna dih sang in thuhilna dihloou azui a, Amnon in zong Jonadab thuhil bang in a sanggamnu Tamar tung ah abawl a Tamar in Israelte lah a mimaw khat

“Silhoi bawl zie a mi simmaw a um khu, silhoilou bawl a mite patat sangin a hoizaw hi” - **Roy B. Zuck.**

asim ahi ding agen hi. Itna khu a mittaw ahi nachi khah leh bangma ngaituona umlou in na lunggel suhpichinna ding ahi pouleh ahoi leh ahoilou zong khenlou in na bawllthop ding ah, mimaw nahi ding hi.

Huotna a um hi (Tang 15): Khanglai hun a itna a mittaw ahi chi a tahsa utna ana supiching kha a kitengloute pen a damsung un kiho den uhi. Tangval ten nungah a suolpi theite pen it nonlou in muneu zaw uhi, tahsa utna a supichinpi thei te koiman zi leh pasal ding in ahing deilou in chimthoina dan ah kila ahi. Pilvan mama ding ahi, mikhat adia na tahsa na kipumpie leh, ahing it ding sangin hi ho zaw ding ahi. Amnon in Tamar a luppi zou in a ngaina sangin a huotna a lienzaw ta, Tang 15, mikhat a dinga ah na kipumpieh a na tahsa nangawn na phalna in a itna law zoulou in ahing huotna ding giep ahi. Amnon in Tamar a luppi zou in suopa

ahan ah, “*Tam numei ka kunga kipat in inn pulama kaidoh inlen kot kildet in*”. (Tang,17). Amnon in Tamar ahuot mai hilou in amel zong mu ut nonlou in inn pulam ah koikhe ding in a suopa a sawl hi. Nang zong na tahsa nangawn na kipumpiehna nu/pa in hing huo in hing munuom nonlou ding ahi.

Tahsa shina (Tang 28-29): Absalom in Amnon in a sanggamnu tunga a tatsietna pen ngaidam theilou in Amnon tung a phuba lahna ding hunlem sui gige in, Baal Hazor a belam mul metna a lengpa tapate jousie chielin asuote kung a athupie hun chienga Amnon that ding in ahil hi. Amnon in Itna mittaw ah a sanggamnu Tamar a et a asuhsiet ziehin Absalom in phubala lahna in at that hi. Amnon in a sanggamnu Tamar a Itna Mittaw in ana enlou hileh Tamar tung a sil jumhuoitah bawllou dinga ama'n zong shilo lou ding hiven!. Khanglaite laha

“Koiman a khangdawn laiin a khangdawn hun athei sih hi” -
Gilbert K. Chesterton.

ITNA MITTAWT zieha ama lah ama hinna kilah bangzat ana um tai? bangzat ahing umbekh nai diei?

Khanglaite'n nungah Tangval hun a itna i etdan ana dihluo zieh in i hinkhua manphatah bangma lou isuo ua, i damsung teng guollet in hinkhuo izang uhi.

Khanglai huna ITNA pen um teitei ding ahi, hinanleh ilah dan leh imu dan in i hinkhuo ahing khel ding ahi. Itna khu a mittaw hilou in HINNA ahi (Johan.3:16) Pasion in ahinhg itseng ziehin tahsa leh hagau a hinna ahing pie ahi.

Source: *Gospel Tangkou March 2020 Issue*

SERIAL-3

“DARE, DARE AGAIN ALWAYS DARE”?

“DARE” chi thumal Chinzam Tombing Dictionary ah, “bawlngam, zaulou, hangsan, midang ngai a zauhuoi leh ngawluhoi a ngai bawlngam a maw hangsan” chin aletkhie hi. Namvai, khotang, Hattuum leh innkuon vai a mite simmawna thuoh nelsie a um kisa in, na dihna nasan gentheilou a lungkia in na um ei? Tamte tung ana guolzaw theine dingin tam dan zui a thugen in kihanthawn in: “To Conquer them we must dare, dare again, always dare.”

Gal. 6: 9-10 nan, *“Tuachi’n silhoi bawl chimtah sih va ui, ilungkieh sih nah pouleh ahun tahin i at ding uhi. Tuaziehin hunlemtaang inei bang zelin mi zousie kungah silhoi bawl va ui”.*

Tam Thumal, “Dare, Dare Again, Always Dare” khu Franch Revolution lamkai masa leh Franch kumpi vaihawmna paikhietna ding a mapui lienpen a ngai a um Georges Jacques

“I masang hun ding ki bawl theilou, nanleh khanglai hun ding ki bawl thei hi”- **Franklin D. Roosevelt.**

Danton in September 2, 1792 a Franca National Assembly lai a agen ahi. Franch Revolution umlai, adie in Reign of Terror chi a um hun, 1793-94 huom sungin vaihawmtu kal leh panpilou zousie thunung thuma umlou in ngawngtanna, guillotine kichi ah tha in umzel uhi. Tua hunlai in Danton Leeng France' Minister of Justice hinanleh Mazimilien Robsepeire toh Public Safety tungtawn in kisai a ngaidan a kikal khah zieh un 1794 kum in guillotine ah tha (kill) in um hi. Danton in a thugenna ah i gam (France) hing doute i zawna ding leh ei mama ikihumbitna dingin "we must dare again, always dare, and dare to save France" ana chi hi. Aman France melma a chite vang gamdang France doute bou hilou in amau ngaidan pompiloute thunung thum umlou dingin that paipai France vaihawmte zong ahi uh achi hi.

Danto hunlai in France gam dinmun toh tulai i gamsung leh i khasandan kibatna chieng um mama hi. Tua khu mani thu bou deina, mani deidan bou a a namsung, khotang leh innkuon puina ahi. France vaihawmtute'n amau ngaidan leh vaihawmdan pumpiloute a tha (kill) paipai bang un, unau khat leh sakhuo kibang eite lah ah zong eima ngaidan leh vaihawmdan deilou, a dia in nam vai ah, adaltu tampite thana bangza ahiei aumta hi. tuate bang ah News leh social media tanpha a kisuhzumna

leh muolphoutah a kikoina i gamsung ah apumdim hi. Mimal vai ah gen taleng, adia in social media izatdan uah, mi'n sil tampi bawl a thuhoi tampi agenlai un genkhiel leh bawlkhiel kahtle-ni um sunsunte pulah in chciemnui bawl in ki viral sah tamai hi. Tambang thute imu chieng in nuizathuoi bangsim nanleh a thuohte a dinga a hasat dingdan kingaitua kha ngeilou hi. Bible in lemna bawl dia hing dei laiin (Mt. 5: 9), lemna sang in mi toh kisiet theine ding ngen zong a ki khosa

"Khanglai hun pen hauna ding a hun hoipen hi a, zawna ding a zong hun hoipen hi" – **Euripides**.

a bat hun tam mama hi. tu idinmun ah, “*Blessed are the peacemaker*” chi sangin, “*blesses are the piece-maker*” chi nuom khop hiel kibang a, I khotang ah kikhenna leh kisietna in hing pumtuom hi. Bible in mi zousie toh kitua

dia thupieh (Rom 12: 18) ahing pieh laiin kituana isui sangin kigamlatna ding ngen ngaitua in gen theina teng leh post theine teng a i dihdan leh midangte dihloou a hidan uh gen in kiphuongza tamai hi.

Source: T. Songkhanlun, “Dare, Dare Again, Always Dare”? edited by Tualsonding Hangzo, *Khristian Lungput Thaksak Thukup KALBI*, 2022. Pages 167-169 apat lekhiet ahi by Managing Editor.

BANGZIEH A LAMKAITE LAWSAM UH E?

Thumapui: Tam point 14 teng khu *Nepoleon Hill leh John C. Maxwell* laigelte apat hing kisasawn ahi hi.

Mi zousie in thanemna (hatlouna) kinei chiet hi. Tua thanemna i theilou chiengin kisiemphat dingdan zong kitheilou hi. Lamkaite in zong thanemna nei uhi. Ahivang in a thanemna uh thei a kisiempha lamakite khu lamkai lawching suoh zel uhi. Lamkai atamzawte bang zieh a lawsam uh ahi ding uai? Ichileh anuoi a point 14 te enkhawm vai.

1. **Midang toh kizawpmatna bawl siemloute:** Lamkai atamzawte midangte theisiem lou uhi. A theisiem lou man un amauti toh ahoi a kizawpmatna bawl theilou uhi. Kizawpmatna (co-relationship) aumlou leh lamkaina in akhietna/ manphatna neilou hi. Kizawpmatna hoi a um leh lamkaina kip in det ding hi.
2. **A Hoilou lam kipetua zing:** Thupil khat in tambang in agen hi, “*Mi ni thonginn sung akipat in a polam dakhie*

“Leitung mihingte limchinna Maidaw (Stage) tungah limchin banglel ahi ua, amaute hun khat a hing zang zual ua, a mang kia pai uhi” - **William Shakespeare.**

un, khat in buonnawi mu in, akhat pen in Aasite mu hi” achi hi. I tua silte i etdan, i mudan zilin ikalsuon ding dan napia hing bawlke sah hi. I hina zong tuanah kingah ahimai hi. Na tua, na phukha thute in nang hing nenngiem zinga ahileh na tua thute hilou in tuate na pawmzia leh na mudan na hen apoimaw ding hi.

3. **Kituopi lou:** Sum suisiem (businessman) ding khat khu vaihawmna lam ah kitala tahin um thei hi. Ei toh akitualou mun ah umna in lawsapna hing pie hi.
4. **Tupna kichien neilou:** I sepding atam seng chiengin bawlkiel kinei tham hi. Ahivang in a lawsam lamkai ichite’n sep ding a hau man un abawlkhiet dingte bawl khalou zaw un, tup kichien aneilou mun a lawsam ahi zaw uhi. Nna tampitah sem napia zoulou a ban koi na in na lawching ngai sih ding hi.
5. **A thanem kipiana** (weak dedication): I nasep leh vaikuon a kipiana kichien inei sih leh a lasawm dingsa ihi hi. kipiana a um sih leh muolsuona um theilou hi. John Wolfgang von Goethe in, “Kipian aum sih leh, lungkietna leh lawsapna kichite um hi” chin agen hi.
6. **Kisiemphat ding utlouna:** Kisiemphat ding utlou lamkaite adingin gal (war) lienpi ahi hi. Mi khenkhatte khu a hun peisa ah nuomsa seng ahiman un kikhel (change) ding ngaitua ngamlou uhi. Thupil khat in, “Na tuona Sakol a shi leh, kum khe mai in” chi hi. Kisiemphatna khu mimal khantouna dingin thapia ahi hi.
7. **Lam dihlou lungsim neina:** Lawchina mu na dingin lm dihlou a zui nuom lamkaite lawching ngeilou uhi. Napoleon in “lawchinna khu a thuzou mite ading bou

“Ginna khu mihing hinkhuo pumpi a Pasian nasep kipuondohna vanzat dei umtah khu ahi zing hi” - **John Abraham.**

ahi” chin agen hi. James Watt in a stream engine bawl a lawchin na dingin kum 20 sung nna semhi. William Harvey n mihingte tahsa pumpi ah sisante akiahawmza a lalut na dingin kum 8 sung nna sem a, a mukhiet pen dih mama hi, akichi na dingin kum 25 sung luthi.

- 8. *Siemna bou a kinga*:** Hinkhuo in ahing puo hamsatna leh nuoiietna/ nenngiemna zosiete khu siemna bout oh kizou louding hi. Talent bou a kingah na in nasep hapan na ding ahing dal hi.
- 9. *Thuzate adawndan siemlou zieh*:** Lamkaiten midangte Sangin thu tamza zaw uhi. Tua thte khu atamzaw thudihlou hithei ding hi. Gneral Douglas MacArthur in, “Ka thusim/ tangmi saite apatin ka za thute za leh a nga (5%) bou thudih hi ding hi, chi’n ka ngaitua hi” chia agenpen lamkaite a dingin ngaitua tham ching hi. Za lah thudih hi dinga gintathuoi nga lakhiet theine pen lamkai pil hina lim ahi hi. Thuza adihloute vangin thukhenna a lakhiel lamkai tampitah um hi.
- 10. *Ngimna (target) neilou*:** Mi tampite in sunmang (day ream) neilou ahiman un nimna (target) neilou pai uhi. Nimna in hing tawsawn sih leh tuhna kichien na nei thei sih ding hi. Tam leitung ah bang dinga hing kipiengsah ahi diei, chi na thei chietc hiengin, bang kap ding ka hiei china thei pan ding hi.
- 11. *Kingiemkhe theilou (kingaiingeimna neilou)*:** Ka thu hing kimang/ kizi leh china toh thupieh a utvot lamkaite khu lamkai ginalou uhi. Aman sep sawmlou a midang sawl gige (lamkai nasem sawmloute) khu lawching ngailou ding uhi.

“Nang ma ut dan dan a na kichei sangin mi hing et didan toh kitua in kicheizaw in” - **T. Wang Dan Leo**

12. Dinmun hasuo khah ding zauna: Mi khat in a dinmun hing luo khale chia zauna vangin lamkai tampi lawsam uhi. Lamkai hoi in ama thakhel dng mi siemkhie hi. Ama hun sungin a bawlthei tan in panla in nna sem a, midangte hun hing tun chiengin kingiemkhie leh kipahna toh a touna (seat) akipat in adingkhe thei lamkaite a lawching lamkai ahi uhi.

13. Ama angsung dingbou khuol: A lamkaipite nasepna vanga hamphatna leh minphatna munuom lamkai khu sotlou kal a akisia ding lamkai hilel uhi. Midangte kipahpi a thapetu hithei lamkai ding khu thupizaw hi.

14. Lungthaha: Lamkai khenkhatte khu Bomb kikamsa ma bang uhi. A ngaituona uh kigen lou in, kizui kha sih leh puoza (bomb puo bang) paipai uhi. Tuabang lamkaite'n ahoi lai zong suhse thei uhi.

Source: "Bangzieh a lamkaite lawsam uh e?" edited by Thangbiakmung, Sawn' Dungzem Khangnote Khrist A dingin, 2024, pages 36-38 apat ka hing lekhiet ahi by Managing Editor.

KHRISTIAN HINKHUO LEH QUIET TIME

Bible pansan: Josh. 1: 7-8, Late 1: 1-6.

Thumapui: Gingtute a dinga Quiet Time khu nisim a Pasion toh kipawlkhawmna (fellowship) adia poimaw mama leh Hagaulam hinkhuo kitundinna ding a hun poimaw tah khat ahi. Tam Quiet Time khu Bible sim nah un, Thumna leh Pasion toh kipawlkhawmna hunbi poimaw tahmai khu ahi. tulai ginguo tampi'n Pasion toh kipawlkhawmna dia Quiet Time izat tamlou ziehun, Pasion aw (voice) kiza nonlou. Pasion houpina aw ithei nonlou ziehun Hagaulam ah ilamvai

.....

“Siemzilna akipatna a khah a, nanleh a ga ahum hi” - **Syrian THUPIL**

siengta uhi. Hagaulam a khandan dih a ikhan theina dingun, Quiet Time inei ngeingei ding ua sil poimaw vot ahi.

Quiet Time toh kikhen theiloute:

Quiet Time khu mo tou maimai leh um maimai ding china ahisih a, quiet time izatna in siltup lienpi nei in ibawl ding ahi. tuakhu Pasion toh lampi ni zang a kihouna (conversation) ahi. tua lampi nite khu:

i) Bible simzing ding: Quiet time in aken khawm silte lah ah poimaw pen khu Bible sim ahi. nisim a Pasion thute sut a ngaituona khu Hagaulam a dinga Khanna thupitah ahi. tahsa ah Khanna ding ah Ann (food) nisim a ineh bangun, hagaulam nawitui bangma toh hallou, Pasion thu khu du zing in ium ding uhi. Bible i simna zangin Pasion in ang houpil zel hi.

ii) Thum zingin: Quiet time izatna ua poimaw mama khu Thumna ahi hi. thumna tungtawn in en Pasion ihoupil a, Ama'n zong ei houpina ding ah hun pie a ngai hi. Thumna ichi zingthoh ann nekuon leh lup kuon thumna hilou in, Pasion kung a ikpahna, itasap poimawte leh Ama hing houpina aw (voice) za theine ding a hun zatna khu ahi. tuami na dingin hun tamdeu nisim a ipia zing ding uh ahi hi.

Bangzieh a Quiet Time poimaw e?

Quiet time poimawna zieh anuoi ah tamlou zilkhawm vai,

i) Quiet time khu Pasion theina leh hepina lam in ang khangsah hi: Pasion tate khu, ama theichiet zaw semna inei theina ding uleh, a thu theisiemna thuzaw a inei theina dingun ang panpi in ang suh piching hi.

ii) Pasion toh kizawpna hoi ang bawlpia hi: Quiet

“Hamsatna atawpna ah kipahna hing tung hi” - **Korean Thupil**

time in Pasion toh kithuokhawm zing utna ang pia a, tuami'n Pasion toh ikizawpna ang suhdet sah hi.

iii) Pasion hepina suhlatna a ahi: I hepi leh i ngainatte a ding a hun pieh khu ithanuom lam uh ahi. pasian ka hepi hi chi ngal a, Ama a dinga hun pe manlou ihi kha uleh Pasion khu i hepi sih uh china ahi. Pasion khu kam bou a hepi ding hilou in, i hepina uh atah a isuhlat uh apoimaw hi.

iv) Pasion umpina leh puihuoina tanna ahi: Quiet time zang a Pasion toh kipawlna (fellowship) nei zing mite khu, a damsung nite uh simdan siem in pilna lungtang anei zing uh ahi.

v) Hagaulam pichinna ang siempia hi: Quiet time nei a Pasion toh kipawlna nisim a nei zing mite khu, hagaulam ann ne zing ahi zieh un, khandan dih leh kilawm, tualeh hing zing hinna khu nei in, gaa a suong khe zing uhi.

Quiet time zatna ah bangchi lawching ding e?

Quiet time na zatna a na lawchinna ding in, tam anuoi a te chiemte in.

i) Quiet time nazatna ding mun teel siem in (Mt. 6: 6): Mi hing mulouna mun leh koiman ang suhbuoi louna ding mun teel siem in.

ii) A hun dih theisiem ngai (Dan. 6: 10): Nang ma adia Pasion toh na kipawlna ding uah hun hoipen leh hun thawveng pen teel siem in. ut hunh un a nei mai ding hilou in, nisim a izat zing theina ding hun guot tua ding ahi. Tamte manghil sin.

a) Pasion in nah un hoipen adei zing hi. Na hun awng neite pe mai sin.

“Nang leh ki khel (change) in vangphat nan ang khel ding hi”
- **Portugues Thupil.**


- b) Pasion in chitahna adei a, bawl maimai ah lungkim Pasion ahisih hi.
- c) Ahoipen dei zing Pasion ahi chi thei inlen, a hoipen pia sawm gige in.

Akhupsitna: Nisim a Pasion aw (voice) thei a, hagualam hinkhuo lamdih a ikalsuon zing theina dingun, ama Pasion toh kipawlkhawm (fellowship) na dia Quiet time nai zing ding akipat tha kialou uleh i melmapa Setan khu i hinna uh suhsiet sawm in nisim in kitawldam manlou a pang zing ahi chi thei chiet vai.

Source: Pastor T.L. Mang Vaiphei, "Gingtu Hinkhua Pitinna Kalbite SENIOR Naupang Pathianni skul zillai", 2023, pages 5-7 apat ka hing lekhiet ahi by Managing Editor.

SIMLEI VAI BANGZIEH A LOS ANGELES KHOPI LEH AKIMVEL GAM KANG (FIRE) ADIEI?

James Fitzgerald leh Tom McArthur BBC News te kaikhawm leh US a kipan suakhiet a um Daily Newspaper Los Angeles Time, New York Post etc. te thugel khenkhat lakhawm in January 7, 2025 ni a kipan California state sung Los Angeles khawpi leh a kimvel biel tuom tuom sung a gamkang thupi tah um pen bangzieh a hing piangkha ahiei chite, a mawhpawtu a um ei? tam gamkang zieh in sietna bang bang a tung ei chi en khawm vai.



“Pasion ngaisang pen khu Hagau mangthai ahima bangin, eite dia zong alou theilou ahi” - **Keith Weight.**

Gam kang kipatkhietna mun:

Gam kang kipatkhietna mun ahileh Los Angeles khawpi kung Pacific Palisade biel sung ahi a, Merrimac Road a kipan malsuah lam leh maltum Topanga Canyon Blvd lam leh simlam Pacific Coast Highway (PCH) biel chite meikuang nasat na mun ahi hi. Amau gam hun chiamtena (sana) dan a Kiginni sunma lam tanpha in mi 11 vel in shina tuata chi hi a, tenna inn a sang a sim leh sumdawnna mun, dawr lian sang tamtah leh car changkang sang tamtahte tam gamkang in bangmah lou suo in kangse sieng hi. Tam biel sung a teng mihing sang tampite mun bitzaw lam a nawnkhia leh a khen mani a kihemkhia ahi uhi. Tam meikuang phelmih sawm in Los Angeles Fire Department nuai a meiphel pawl (firefighter) sang tampi in phelmitna nna sem nanleh uh tam biel a meikuang panpitu ding huizang hat tahtah a nun zieh in meiphelna lam

in ma sawn theilou uhi. Tung lam a kipan helicopter zang a meiphel zonglei hui a hat mama zieh in duhthusam bang a paipi thei ahi sih a, tua zieh in mun tamzaw ah meikuang phelmit theilouh in um hi.

Ni bangzah ahiei sung tam biel sung a khaw umdan hoilou a khuo setou ding leh hui zong lang nalai zel lai ding a gen in um hi. (weather conditions and the underlying impact of climate change are expected to continue). Hui nung in meikuang mit dia kisa lelte a mut chieng in kuangkhe zel a, tuami'n meiphelna nasep napitahin subuai hi. Tam bang ahi ziehin tualsung thuneitute'n zong theitawp a suah ban uah, meikuang in apethei ding munte ah lam chituom tuom in panlana sunzom zel uhi. Thuneitute'n a gendan un gamkang zieh a mi shi zong meikuang nasat dan zil a a pungtou zel din gingta ahi chi uhi.

A dinmun uh:

A paisa Sintawpni in Los

“Lai thei leng Laisiengthou sim nuom pen ing, ka kam toh ka thumna hawmthawh ing, ka lungkim zou sih; Laisiengthou sim thei leng Pasian toh ka ki houhou ding hi” - Nu **Thomas KhannoVs.**

Angeles County a kipan mi 153,000 munbit zaw lam a suankhia ding chih thupia bawl ua, tuate lah a mi tampiten a lou theilou a a van nei manpha pha puakhiet thei bang bang pawkhia in a tenna inn uh taisan uhi.

Tam mite banah mi 166,000 te tenna mun zong bitlou leh mun bitzaw lam a nawnkhiethi mai dia ana kiging ding banah ahithe i lei leh amau septhei bang bang ua a innmun ua kipan mun bitzaw lam zuan a ana kihemkhe dia theisah in um uhi.

Tuabang ahilai in meikuang nasatna mun Pacific Palisades area leh Eaton bial sung a innlum taisan sate innsung van leh a silneite uh nasa tah a lukhiet/gukhiet (looting) in um hi a thei ahiman in tuamun a koima lut leh pawt um ding a paisa Kiginni nitak da 6:00 akipan zinglam dak 2:00 tan curfew phuan in um hi.

Tenna Inn kangse za:

Kangmei sua ah mihing tenna inn (building) 10,000

val kangse sieng a thei hi a, report khen khat in a talat dan in inn kangse za 13,000 valta hi a gen in um hi. Tam sil Los Angeles khangthu adia sietna thupi pen hi a chiemte in um hi.

Tenna Inn 60,000 velte dinmun zong bitlou leh zauthawnghuoi (at risk) dinmun ah um ahi. A paisa January 10 tan in tenna inn kang zieh a Insurance Company te sum mansuah zat \$8bn (£6.5bn) Rs 56,027 crore chingta bang a sut ahi. A ziehpen inn kangtum te lah a inn hoi tahtah leh manpha tahtah a tam zieh ahi.

Los Angeles police ten kal beisa Ningani sunnung in mi khat meikuang kipatkhiethna mun hilou mundang hal sawm hi a gintat mankhia uhi. Policete gendan in mat a um pa tung ah buaina belap sahthei dia panla chi thubuai bulkhum in um nanleh chetna kichiantah vang neilou uh chi hi a, tam tungtang suizui lel ahi.

“Leitung kivaihawmna akhona leh tangpi kithutuana pen lai pilna vang ahi” - **Horace Mann.**

Gam kang kipatna zieh dihtah theikhia hi nailou (the causes of the original fires are not yet known). Los Angeles khawpi sung gam kang in a tuam louna mun khenkhat inn neitu um nawnloute innte lu ahi nawnlouna ding in National Guard troops te goi in um ua, sepai tamzaw sawllut be hi ding hi. Police thu puangtu gendan in Inn lu zieh in mi 20 matkhiet ahita ua, midang zong matbe ahi lamet ahi.

Mi minthangte tenna inn kangte:

Los Angeles khopi leh tam bielsung a gam kang thupi tah tung ah tenna Inn (building) 10,000 val kangsia a, inn kangse te lah ah khawvel huap a mite theipha India malsak kil tawp a um singtang mite natawm in ina theiphak khop a minthang leh thei lawh (celebrities) te tenna Inn kangtum tampi a m a, tuate lah ah Mel Gibson, Leighton Meester leh Adam Brody banah tua sietna thupi tah tunma ni a Golden Globes hawmkhietna mun

a pang lemchin siam James Woods leh Paris Hilton te a minthang pawl ahi uhi.

California fire official te gendan in Los Angeles gam kang kipatkhietdan gam melput (LA fires maps) a kipan a kilatdan in meikuang lom lian tham tahtah mun 5 a kipan kipankhia hi in ngaithei hi.

Palisades: Gam kat masakna pen kal beisa Sepnawnni (07/01/25) in Palisades hi in meikuang nasat pen hun zong ahi. Tam mun huamsung a gam kang kipatkhietna gam leitang letdan acre 21,000 vel a lian hi a, Singtang pa hisap dan in acre 1 kichi buh Tin 1 mun vel ahi. Tam in Pacific Palisades leh akimvel huam hi. Kiginni zingkal in gam kang 8% vel phelmit in um hi.

Eaton: Los Angeles khopi a kipan mallam, khopi sung Altadena pe tou hi. Tam biel ahileh gam kang lah a a kangse lienpen nina hi in a gam letdan ahileh acre 14,000 a lien ahi. Gam kang ahileh 3% phelmit hita hi.

“Jesu Khrist khu zanni a ahi, tu zingkal a thoukia zingchieng a hing peikia tahtah ding hi, chi za in theiin ka hing hi” - **Martin Luther.**

Hurst: San Fernando mallam biel ahi a, kal beisa Sepnawnni a kipan gamkang in gam acre 771kang a, gam kang 70% vel phelmit hita hi.

Lidia: Hiai biel kal beisa Nilaini (8/1/25) sunnung lam in Los Angeles mallam tang gam a min Action area ah gam kang hing kipan a, gam kang letdan acres 400 a lien ahi. Thuneitute gen dan in gam kang 98% vel phelmit in umta hi.

Kenneth: Hiai biel ah kal beisa Ningani (09/01/25) a kipan gam kang hing kipan a. Los Angeles leh Ventura biel kigitna mun ahi. A kat dan acre 1,000 hi a, Gam kang 50% vel phelmit ahi ban ah, tua huomsung ah tenna inn (structures) kangsia umlou hi.

Archer: A paisa Sintawpni a kipan tam biel ah gam kang kipan pan a Sesnon Boulevard, North of Meadowlark Avenue leh Granada Hills areas lam a kipan meikuang kilomzial in a pekhak ah. Gam acre 19 a huam a, phelmit louh ahi.

(0% contained). Tua ma sang in Sunset, Woodley, Olivas mun a gam kang kipante vang phelmit sieng zou uhi.

Gam kang umthei lah ah Los Angeles a kiging khawl ei?

Los Angeles (LA) khopi gamkang um phutthei lah a kipan kiven dingdan ah kisakholna a nei uoi? chi mi tampi ngaiven leh Thutha lakhawm getlu leh puangkhetu ten zong a dot tampen uh ahi. Reporter khenkhat in a gendan un meiphel pawlte tui kholna tanky lian tamtahte ah tuiumlou in hawm sieng a. US President-elect Donald Trump in hichi bang khop amaban ding ngai poimawna neilou leh kiginkholna chang theilou California Governor Gavin Newsom ahi a, tui koi khawl khawmna mumal umlou thu ah mawh a pawchiang khop mai chi khum mai hi.

Source: Zo-Lawkta (WhatsApp group) apat ka hing lasawn ahi by Managing Editor

“Khantanhoi tangkouna nna aaemlou Hattuom khu mihingte bawltawm ngeinadan tudette hizaw hi” - **Oswald J Smith.**

PASIAN BIEH DAN KIKHEL DING?

By Lt Col Muan Phiamphu

Khovel kikhel dan manla'ng mama ta a, mit-phet kal lou in sil tampi kikhel zing hi. Nidang lai a sil phattuum tah leh manpha tah te tuchieng a apanna um nonlou leh theipha a um nonlou phabep zong umta a, maban ah zong hing um tou zel ding a, tam zawsem zing ding ahi. Hunlui ngaidan leh lungelte zong tu leh maban ah hing kikhel zing ding a, tuhun adia idea hoi mama zong zing leh thai chieng in idea lui leh panna um nonlou hing hipai ding ahi. Sil zousie hing kikhel zing ding ahia, tuachibang a lungel, ngaidan leh hindan kikhel theilou te pen nuasie a umding uh ahi.

Tumasa'ng lai in camera limla lam ah KODAK minthang mama a, khovel a market teng luasuo phial uhi. Hinanleh mobile camera leh digital camera te ahing um a kipat in kiemsuh deudeu in tun abei tobang ahita a, koima'n zong lim kilah te sawp se nonlou hi. Tuachibang in mobile phone ahing umchil lai in NOKIA minthang mama a, khovel pumpi a handset tampen leh minthang pen ana hi ua, hinanleh tuchieng in koiman NOKIA phone dei nonlou a, kumlui toh kibang mai in kingaisut ta hi.

Maban ah zong tusa'ng in

khovel hing kikhel deudeu ding a, Daniel laibu in agen 'NI NUKHIA LAM CHIENG IN MIHINGTE THEINA AHING SA'NG DING AHI' achikhu, tuhun in mittang a muthei ahing hita hi. Nidang in muntuum a umte toh ki thuja nathei sun khu laithot tungtawn ahia, akin deu a emergency te ading in TELEGRAM ana um a, tun khovel a kipat in phiatmang in umta hi. Tomkhat jou in telephone te ahing um a, STD booth munteng ah ahing um a, tuami zong miteng in aneijou lou ban ah sum tampi lut zel a, hinanleh telegram leh

“Leitung pi a Khantanhoi thu Tangkou ding khu Hattuum zousie Vaihawmna hita hen” - **Charles H. Spurgeon.**

laithon te sa'ng in naapitah in phattuum zawtham hi. Hun te hing peizel in NOKIA phone te ahing um a, geina teng ah kitawi in kuul leh poimaw bang in kithujah theina ahing hi a, tuami zong mihing te'n deikhop zoulou in SMARTPHONE te hing kisiemkhia in, tu'n khovel munteng ah sum tawmnou khat bei a tahmel kimuthei a kihou thei zing ahing hita ahi.

Nidang in munkhat a kipat munkhat zawt ding chieng in gari hingtai te lampi ah ana kingah zel a, auto leh taxi te zong parking vaki zuan in kila se hi. Hinanleh tuchieng in deina mun teng a phone tungtawn a hat thei in ahing umta a, hindan za'ngkhai sah mama hi. Tualeh bazar kaiding leh Biehinn a sawm-a-khat tanpha pieh ding zong ATM leh cheque te tung tawn a bank a sum vaki lakhia a kipie ana hi a, tuchieng in PAYTM, GPAY etc te tungtawn a bazar kaithei ahita a, online transfer tungtawn a sawm-a-khat piathei ahing hita a, sum note

pen koiman zong ngai poimaw seng nonlou tobang ahi.

Tualeh, nidang a van leiding chieng a bazar vaki kaizing pen tuchieng in innmun a phone tungtawn a order a leithei ahita a, hindan za'ngkhai sah mama hi. Tuami zong kideikhop lou in BLINKIT leh ZEEPTO te hing umkia in, van khat phot order a, atampen a minute 5-10 kikal amuthei hing hitou ta ahi. Tambang in maban ah zong tuate sang a hoizaw, gangzaw leh lemtang zaw hing umtou zing nalai ding ahi.

Movie etding chieng in, LIGHT HOUSE/KAMPU Cinema Hall mai a line saupi kigual hunlai leh munteng a video hall umlai hunte abeita a, tun PVR chite ahing um a, thamlou in innmun a deihun a et nathei AMAZON PRIME, NETFLIX leh HOTSTAR chite hing um in, vahna mun chinteng a zong mobile phone tungtawn a et thei zing in umta hi. Khualzin ding chieng a amun tun zou a Hotel book kibawl zel, khat kizuan a room ana awnglou thei chite

“I haam khu vantung dong a izat ding ahi manin, it huoi mama a, a zangte in ikep leh izun ding uh ahi hi” - **Dr Neng Ngaih Lian.**

hinonlou in, phone tungtawn a booking bawlthei ahita a, geina munteng a car leh bike zong hire bawl a eima'n kitawl thei ahita hi.

KODAK leh NOKIA te abei tobang phial ahita zieh un semtute zong tampi tawpsah ua, maban ah zong bazar a vanzuo a tou ahing tawm deudeu ding ahi. Gari zong driver panglou a hing tai bei tading ahi ua, gari tawl a kilaw teng sepna ahing bei pai tading a, electric leh solar car te ahing tam tading zieh in petrol leh diesel zatna hing beiphial ding a, tuachieng in Arab gamteng chimaw mama ding uhi. Internet banking ahing um a kipat bank vapha a, sum lakhia leh deposit bawl chite umseng nonlou a, bank a sem zong hing tawm deudeu ding ahi. Dei dan zil a taxi kimuthei ding ahita zieh in koima'n gari nei zong phattuum sa nonlou ding a, gari nei ahing tawm ding a, gari zua te zong ahing kiem ding uh ahi. Driver umlou a gari ahing tai tahchieng in accident ahing tawm ding a, traffic police zong

a panna ding um nonlou ding a, insurance companyte zong ahing beita ding uhi. Chatgpt leh AI te zieh in maban sawtlou in GOOGLE zong hing bei pai tading a, AI tungtawn a sil zousie muthei ahing hita ziehin ukil leh doctor phabep panna ahing um nonlou ding ahi.

Tuachibang in; Hattuum leh Biehna lam zong ahing kiheng lamdangpai tading ahi. Biehinn mun lienpi a zawt hasatah a kizuon a, kikhawp chite ahing kiheng lamdang ding ahi. COVID hunlai a koiman zong nidang a ana ngaisut khalou ONLINE tungtawn a kikhawp chite ngeina dan ahing hibai tading ahi. Umna mun a kipat biehin kikhawp tel thei zing ahing hiding a, tuachi'n Biehinn lienpi lam a sum tampi seng zing a sum kidong zing chite ahing um nonlou ding ahi. Tuachi'n ONLINE a kikhawm thei ahita zieh in mission workerte zong tampi poimaw nonlou ding hi. Laibu leh laikung chite zong panna ahing bei ding a, sil zousie phone leh laptop in kitem

“Americate Jesu kideilou, ahivang in Pu Kapthuama IAS Jesu vang kidei hi, chi uhi” - **Bihar mite.**

tading hi. Tuachi'n Bible zong Laibu a muding hing kiem suh hiei hiei dinga, soft copy ngen hing kizang tading hi.

Tuachi'n theina sa'ngtah neilou te pen nuasia in ahing umding uh ahi. Kihilna 20:3 na in "Kum tulkhat achin masang sie a, namte asolkia nonlou nading in KOKHUH TOBEI ah pailut a..." chi mai in koiman AMEN ahing chi nonsih ding a, tulai naupangte zong science lam siam leh bildaw mama ta ahi ziah un KOKHUH TOBEI bang chidan a umthei ding e? chite science toh kitua a hilchet nalou in khangthah te'n mawh gintat zou nonlou ding uhi. Tami hilchet nading in LIGHT YEAR tungtawn a theisiam sah thei ahi. Light in second khat in 299,792 km travels a, tuapen 300,000 km/sec china ahi. Light Year chipen light in kum khat sung a travel zouzat china ahia, tuapen 9.46 trillion kilometres china ahi. Tualeh Leitung a kipat milky way galaxy tan gamlat dan khu 26,000 light-year ahia, tami maimai zong mihing khat adi'n

kumtawn chi toh kibang phial a, tuami ah mihing/Sahing khesuh ding hitalei ahun lut ding zat pen genzou gual hilou ding ahia, KOKHUH TOBEI toh kibang a tekhn thei khat ahi chivel a naupangte hilchien hing ngai tading ahi. Tuami a ding a zilna sangtah neilou te zuou gen ahing sua tading uhi. Tualeh hattuum kivaipuanate ah zong- zilna sa'ngtah neilou te'n panmun ahing nei nonsih ding uhi. Chartered accountant chilou hattuum FINANCE ding in ahing kiteel nonsih ding a, Commerce background lou zong TREASURER ahing hinon sih ding uhi. Public Administration simkha lou te zong hattuum Upa leh Chairman chite adi'n deina um non talou ding ahi. Tambangte pen eima deiteel na zieh ahing hisih ding a, ahun dungzui a utlei-dalei hing tung teitei ding sil ahi hi.

Nidang a UPSC/IAS tupna neite Delhi a coaching lah ngai teitei tobang khang ahi nonsih a, Lamka leh Singngat khuo a kipat zong ONLINE

.....
 "Leitung ah mihoi, mipha tampi aum a, tuana mihoi, mipha namu sih leh nangma mihoi, mipha na hina dingin kipan in"

– **Mother Teresa**

tungtawn a Delhi coaching lathei nakhang ahita hi. BA/MA leh MBA te tanpha zong innmun a kipat ONLINE a bawlthei nakhang ahita hi.

Laisiengthou Isai 43:19 na in “Nngai un siltha khat ka bawl

ding hi, tu in ahing poudoh dinga, nathei sih uai ma? Gamdai ah lampi ka siel dinga, tualeh gamgaw ah luite ka luongsah ding hi” achi khu...

Tuabang khang a di’n mansa’n umzing vai.

HA CHIN A KUM THUPI HILCHETNA “Na Gam Hing Tung Hen” (Mathiu 6: 10).

- Retd. Rev Dr. Hangminthang, *Former Bishop*

APRIL HA:

Thupi: Pasion gam tunnate bang achi uoi?

Gal. 5: 24 “Tualeh Khrist a hita mite’n tahsa a a utnate uleh adeigaw uleh alunggulnate utoh akibelbehta uhi.”

Pasion Gam tunna mite in:

Tahsa utnate uleh adeigawnate uleh alunggulnate utoh, Kross tungah Khrist toh akilbeh khawmta uhi. Tam atunga kigente thunuo i a hinkhuo mang zing nalai nahi leh, Pasion gam khu nangma ah atung naisih china ahi.

MAY HA:

Thupi: Pasion Gam tunna mite’n Pasion deilam abawl uhi.

Mathiu 6: 10 “Na gam hing tung hen, Na deilam van a mi’n abawl bang un, lei ah mi’n zong bawl hen.”

Pasion gam tunna mite’n tam leitung ah zong Pasion deilam abawl uhi.

Pasion deilam bang e?

1. Lemthu leen sah diing
2. Pasion deilam a hinkhuo man diing
3. Khovel dan banga umlou, hinkhaw siengthou man ding.

“Leitung a sil umte khu akiheng zing a, hinanleh Pasion leh na hagau aki heng ngai sih” - **Robert Browning**

MISSIONARY COLUMN

ERIC LIDDELL (1902-1945)

- Pastor M. Thangboi Zou

ERIC LIDDELL HINKHUO MASA:

Eric Liddell ahileh Missionary Innsung apatin 6th January, 1902 in China Mallam (North) ah apieng hi. A pienna nu-le-pa ahileh Scotland mi (Scottist) London Missionary Society te nuoi a China gam a Missionary nasem a um ahi uhi. Eric ahileh China apieng ahivang in, Scotland gam a khanglien ahi. Kum 1920 in Edenbugh University ah alut a, Kum 1924 in science ah a Graduate hi. Eric ahileh 6th April, 1923 in apientha a, a piengthanin Scotland gam “Armadale”



kichi mun ah a Testimony agenlai in, a testimony ngaidin mi 80 bang apeikhawm ua, amaute mai a Eric in hangsan tahin Pasian a Hinna tha aneidan agen khia hi. Tualeh a kum kie in 1924 in Paris Olympic ah avatel a, tuana Patawina thupitah ngahin “200 leh 400 Metres Race ah Gold & Bronze Medal” banga asang hi. Tuazou akum kie 1925 in China gam a Missionary din akuon khie hi. China gam a “Sangsye nna leh Missionary nna theitawp suo in Mangpa gam keletna din asemkhawm/ akizang hi.” Kum 1934 in Florance Mackenzie toh ahing kiteng ua, Pasian apat Goutan Ta nu 3 anei a, amaute ahileh Patracia, Heather leh Moureante ahi uhi. Kum hingpei jel in Japante ahinghat tah chieng un, China gam aumpen a

“Leitung khu a pichingta a, mihing ten nisim a i poimawte buching tah in a thei ua, Pasian lam ngaisah nonlou, a buchin nalam a zuon zing uhi” - **Dietrich Bonhoeffer**

zauhuoi ziehin Britist Kumpin China gam a ami umte kunga Thupieh khautah ahingbawl bawl a, tuami ahileh China gam aum Scotland mi zousie agam lam ua ahing kile kie teitei diing uh chi ahi. Tuachin Eric zi Florance leh a tate khu Canada gam ah akinuole ua, nanleh Eric pen in shitan a China mite'n Pasion atheina diing un ahinna alan khie a, China gam ah a shitan in theitawp suo in Mang nna asem hi.

ERIC PASIAN ADIE AKIPIEH DAN:

Eric taihat ahiman in Kum 1924 in Paris Olympic a pang din akuon a, tuona 200 metres race a Bronze Medal ava sang a, 100 Metrs Race a Nipi ni (Sunday) chie kidemna um diing ahi chi thusuo ahing kisuo in, aman "*Kei tuani chiengin Tai (race) theilou diing kahi*" achi a, tua athuchiem atudet tinten hi. Tuachin 6th July, 1924 nia 100 Metres Race a kidemte dia Thau ahing kikap giing laitah in Eric khu Paris khopi sunga Biehinn khat a Pulpit tungah Pasion thugen in adiing hi. Eric in 400 Metres Race a pangdin thutanna abawl hi, tuachin 400 Metres Race a avapan leh Silver Medal mupa toh 5 Metres in akikhie in ahatzaw a, tuana leitung pumpia Record Break in second 47.6 in azou a, tuachin Gold Medal asang hi. 100 Metres Race a apanlou thu Prince of Wales leh Paris Olympic Committee ten bangzieh panglou na hiei chie interview ava bawllai un, Eric in, "*Ka gam ka-it Pasion in athei hi, hinanleh Pasion ka-it man in Nipi nin (Sunday) ka tainuom sih hi*" chin adawng hi. Lamkai 2ten avadoh nasan uh ahileh Taihat a minthang ahia, agam miten tambangin a Taihat ziehin hina (title) apie uhi, tuate ahileh (i) Chariot of Fire (ii) Flying Scotman chi ahi.

Tam Olympic zouin China Mallam (North) ah ang kinuole a, tuana Kum 1925-1945 sungin China gam mun tuomtuom ah Pasion nasem in azin koikoi tahi. Kum 1930 lahvel in China gam

“Pasion hundamna ka poimaw hi” - **Lady Hope**

khu Japante zieh in azauhuoi mama hi. China gam a Pasion na asejna masahpen na mun ahileh Tientsin (Tientjin) ahia, tuazou in Siochang ahi. Tuakawmkal ah kum 1932 in a Innlam ua ahing peimasahpen in Pastor dia Namdet (ordain) in a um hi. Kum 1937 in Eric leh a sanggampa Rob khu Siochang mun asemkhawmdin guot in aum ua, tuamun ahileh Japante umna lampi pei angai hi. Kum 1941 in China gam a umpen ahing zauhuoi deudeu tuachingin azi leh atate khu Canada gam ah akinuole ua, nanleh Eric in China gam Tientsin mun a Kum 1941-1943 sung asem nalai a, tuachin kum 1943 beikuon in Weishien Camp a semdin guot in ahing umkie a, tuanah ashitan in Pasion adin China mite kungah Pasion thugen in ahinkhuo azang tahi.

ERIC HINKHUO BEINA:

Eric khu Mangpa Jesu adia akipiezaw leh agin-umna athupi a, tuamin thu agen hi. Eric ahinkhuo a athupina khat ahileh Paris Olympic ah vapanna khu Film “*Chariots of Fire*” in akisiem a, tuamin khangsawn khangsawnte kunga Pasion thu agen theina dia kibawl ahi hi. Tuabang a Pasion adia thupitah a China mite kunga akizat laitah in, Huoh Natna (Brain Tumor) ahingnei a, a tahsate hing kiem deudeu in, a tahsa kum 43 achin kum 21st February, 1945 in asejna mun Weishien Camp ah a it mama azi Florance leh ata 3te leh Pasion adia akipiehna China mite nuosie in, leitung akhuolzinna zouin, tangtawn Khopi ah atawldam tahi.

Eric shi masang a, ama zen-le-kem Nursenu kunga athugen tawpna ahileh, “*A bukim a kipumpieh khietna ahi*” chi khu ahi hi. Ashinin Scotland gamsung pumpi anguisah jou a, Van (heaven) a kipahna thupita aum hi. Eric in ama mimal minthanna leh thupina/ hausatna diingte sangin, Pasion leh China mite adin ahinkhuo azang hi. Eric ginna leh kipiehzawna in leitung a gingtute atothou (challenge) mama hi.

“Ka phalsih hi chin gen sin, ka nuapia kia ahi chizaw in, Na ta a shi leh na nuapia kia ahi a, na zi ashi lezong na nuapia kia ahi. Aziehpén Pasion in ahingpia ahia, nang a hilou ahi. Ginum tah leh hoitan enkawl in. Khualzin ten a inn hoitah ah a etkawl bangin nang zong hoitan enkawl (kemtup) in” - **Epictetus**

MISSION COLUMN

1. Tripura Mission field in charge Report by Pastor Hausawmlal

Apeisah date 21th January 2025, a Pastor M. Hausawmlal Local Pastor Shillong Lutheran Church-Cum-Tripura Mission field Incharge Shillong apat in Tripura Mission field Kangrai tang juanin ni 22/1/2025 a damta in tungthei ah Missionary Tv. Manglianlam in vaidawwna nei hi.

Date 23/1/2025 da 11AM, Colony Para Mission field ah Missionary um ding Pa Jangkholian Mate Installation leh Missionary Quater honna vaiguon MELC HQ in angansieh mabang in Pastor pa in vanei thei hi, tualeh hattuom nu leh pa te'n zong Missionary pa avanzat ding silpiehna tamta zong nei uhi.

Tualeh date 24/1/2025 da 12Pm, Dangapara mission field mun ah ging tha mi 11 baptisma Pasion mapuina toh vapethei a, tuami baptisma vaiguon zaw in Shillong Lutheran Church te siemna toh hattuom mi peikhawm theiteng leh Baptisma tangteng in refreshment tuita zong nekhawm na nei ngal uhi.

Tuaban Pasianni sun date 26/1/25, Kangrai biehin ah Mission field zousie kikhawp khawmna um in Pasion Ann siengthou nekhawm na zong nei in baptisma tangteng leh nidang a natangsah teng toh Pastor pa in certificate piekhiet nei ngal hi. Kikhawp tawp in Hattuom mi peikhawm teng in itna annkhuang sokhawmna zong nei ngal uhi, tam Annkuan bawlsah tuh ahileh Shillong Lutheran Church te ahi, tuatham lou in Mission field te khu ki Gamla tahtah aum ahina ah apeikhawm na ding ua transportation teng zong Shillong

“Gitlou tawpsanna (piengthana) dihtah khu i hinkhuo kilamdanna tun vanin, na lungsim leh na sil etdan hing kikhel van in, tuami apatin, Jesu Khrist leh a dan thupiate khu na kipahpi theita ding hi” - **George Whitefield**

Lutheran Church te'n a puokhiet uh ahi. Tamna Mission field peikhawm teng ahi uleh Kangrai Mission field, Colony Para Mission field leh Dangapara Mission field te ahi uhi.

2. Varanasi Mission Field U.P report by Mr. Surya Prakash Gautam missionary

- i) Bhapoli Khuo akipat Gingtha mi 52 kibelap
- ii) Godhana khuo akipat gingtha mi 70 kibelap.
- iii) Katesar khuo akipat gingtha mi 65 kibelap
- iv) Syedraja khuo akipat gingtha mi 69 kibelap.
- v) Byaspur khuo akipat gingtha mi 85 kibelap.
- vi) Ashapur, Varanasi akipat gingtha mi 42 kibelap.
Agawm in mi 383 apha uhi.
- vii) Tualeh Bapistima tangzat ahileh agawm in mi 175 apha hi.



LYF COLUMN

KHANGLAI LEH INTERNET

“Blue Whale Challenge” kichi Online game Russia akipan hing thangkha khat um in kigen hi. Tami game pen internet tungtawn a kimawlna ahia, kimawltute bawlding



nna (task) 50 luikhiet in aum a, a nna (task) tawpna pen ah

“Na melma kei kichi nazaw masangsie’n hagaulam guolzawlna tang ngailou ding nahi” - **Richard Wurmbrand**

Mani Hinna kilahna (suicide) ding hidan in kigen hi. Russia gam sungah tami Game ziehin khanglai bangzah ahiei mani hinna kila (suicide) um in akigen ban ah, gam tuomtuom ah zong Police te'n tami game toh kisai suizui lellel uh hi'n zong kigen hi.

Tami game i tate leh naupangte akimawl khah ding ajauhuoi zieh a ka hing gel/ talat hipai lou in, tulai khanglaite internet in athuzawdan talang ut huoi ka sah zieh hizaw hi. Genthei leh hasa i kichi vangin khovel khantouna in hing bingphuh a, naungeh hamthei tungpante'n "*dawnload, Youtube*" chite bang haam kammal a thei masate uh hing suo tahi. Patathuoi mama abat vangun a khonung hun ua tami "*internet*" kichi Pasion masang a "*pasien dangte*" banga aneikhah ding uh jauhuoi seng hiin kamu hi. Tulaita in zong naupang (khanglai) tampite'n "*pasien*" (idol) a neikhah tah mel uh koiin athei diei maw?

Internet ahoisih chi juasawm kahi sih hi. Mi tamtahte Pasion thugen leh khovel nasemtute'n phatuom tah in zang thei uhi. Phatuom tah ah zatthei ahilai in, i naupangte/ khanglaite hinkhuo suhsetu leh Pasion huongsung pan a puimangtu in zong pang thei hi. Tuabang ahilaiin, nu-le-pa leh Sangsyte'n i tate leh naupangte "*internet*" toh kisai in etkai kiphamaw hi. Internet a tham chiengun bangchi bang lamte ahiei a et uh, bangchi bang game ahiei akimawl uh chi i theipi ua thanuom tah a i etkaipi poimaw hi. Naupang in Bawngnawi vui aba chiengin i phaw ua, nanleh Chini leh Bawngnawi halkhawm in singpi in i dawnsah veve hi. Tuabang deuin, nu leh pa'n poimaw asahte pen etpi tham ding ahi, hinanleh etkai lou a thamsah pilvan huoi mama hi.

Courtesy: Rev. Chinkhengoupau, Child Co-Ordinator, EBC.

"Khristian Thukizakna", July Issue, 2017 By: Managing Editor

"Na bawl khielna khu bawlkhiehl kia nonlou di'n mangngil in, tunia na bawl ding chilou mangngil inlen, tuni khu vangphatna ni'n siem in" - **William Duran**

MELC INNSUNG THU

1. LYF GHQ INCHARGE KIPIANA

Apeisa February nisim 7th 2025 (Friday) ni in Martin Luther Hall, MELC Office ah Kum 2025-2027 sung a LYF, General Headquarters vaipaw ding a teelching a umte leh lamkai luite'n incharged kipiena nei uhi. Tam hun ah Head Office apat Director of Mission in Host hina lain, Director of Ministries in Incharge kipiena makai a tualeh Bishop in Hanthawn thugenna leh thumsahna anei hi.

2. APPRECIATION OF MELC MISSION TEACHERS:

Apeisa Nisim 11th February Nai 1: 00 Pm in MELC Central Core Committee innte na toh MELC Mission Sangsyete appreciation Vaiguon Martin Luther Hall mun ah nei in aum hi. Tuana MELC Mission sangsyete agawmin mi-6 hing peikhawm uhi.

VAIGUON TANGPI:

⇒ **Puitu:**

☞ Rev Suanboi Tungdim, Director of Ministries

⇒ **Hunpat thumna:**

☞ Upa GL Tungnung, Dy. Moderator

⇒ **Thugenna:**

☞ i) Sangsye teng

☞ ii) Upa S. Zamzalam, Moderator MELC

⇒ **Thumsahna:**

☞ Rt. Rev Khup Do Khen, Bishop

⇒ **Nuomthu genna:**

.....
“Mipil in midangte bawlkhielna a kipat in akizil zing uhi” -
Roy B. Chuck

☞ Retd. Rev Thangliankham, Chairman Mission Dept.

⇒ **Tawpna leh Annkuong latna:**

☞ Retd. Rev Dr Hangminthang CCC Member.

MELC Mission Teachers te toh nuomtah leh lawching tahin hun zang uhi.

3. LDC KHAT KILA:

A 69veina MELC Vaihawmna in lem asah bangin, MELC Zumpi a sem ding LDC khat lana ding in DPC Boardte ngansie a aum dungzui un apeisa Date 12th February ni in Martin Luther Hall ah “*Written Test*” Mi-11 nei in aum a, amaute ahileh ahing tung ding Date 18th March 2025 “*1st Executive Meeting na mun ah a Result*” phuon khiet a um ding ahi hi. Lawching tahin Written Test zaw ahita hi.

4. TRINITY TAILORING 2ND BATCH KIPAN:

MELC Project nuoi a Trinity Tailoring Training Centre (Supported by Visakha Synod, AELC) ah apeisa Nisim 12th February ni in 2nd Batch Training ding kipan kia a, tuanah Project Co Ordinator in Training toh kisai leh Trainee dingte pulahna nei in, Trainee dingte hanthawn thugenna leh thumsahna Bishop in hun zangin lawching tahin vaiguon zou uhi.

5. BISHOP SHILLONG ZINNA:

Nisim 13 February 2025 Thursday ni in Lamka nuasia in Shillong a haw dingin, Upa S. Zamkhanpau, Project Manager toh ka kuankhie uhi. Tami khuolzinna pen Shillong a i hattuomte ve kawma, Rev. Dr. Franklin Ishida leh Rev. Dr. Chandran Paul Martin te’n, ahing thunuasia uh, Martin Luther Christian University toh kisai a selected student hon khat vaki mupi teitei nading thu ahi hi.

“Mihing kisiemtah hat ten bangma hoina anei ngaisih uhi” -
Benjamin Franklin

Nisim 14 February 2025 ni nitahlam nai 6 vel dingin Shillong ka tung uhi. Upate, Pastorpa leh hattuum lamkai bangzat ahiei khat in thupitahin ahing na vaidawn uhi. Kiginni nitah Biehinn kikhopna na ah Upa Zamkhanpau in Pasian thugenna anei a, Pasian panpina zalin, gen hoi mama hi. Tuachiin, Pasian ni sun kikhop leh nitah kikhop na ah ken Pasian thugenna ka nei hi. Pasianni sun kikhawp zou in, LCC teng toh kihoulimna ka nei ua, tua zou in, Biehinn tung terrace ah hattuum te'n, kel sa nehna huaisetah ahing neipi uhi.

Tuachiin, nisim 17 Monday in Guwahaty lam zuan in, Unau Nu Manpi inn ah ka hing kibaang uhi. Shillong to Guwahaty ka Taxi Fare uh ahing piehsah, zing ann zong ahing nehsah, kawlzal/thungpi san khattuoh ahing pieh ban ah, ama uh Scorpio toh Ghty. Airport tan ahing hah kia nalai lai ahi hi. Tuachiin, Inn lang zuan in, Ghty vanleng phuol apat ka hing lengkhie ta uhi.

6. LYF LED ONE DAY SPORT:

LED/ LYF 1st Standing Meeting Thupuosah No 3 in pha asah na bang a, Division sung a One Day Sport Tuaitengphai playground nei ding chi ahi dungjui in Date 22/2/2025 (Saturday) ni a nei ahi. Rev Nengkhanlal Milun DS in Sport honna anei a, tualeh Ball Kick Off khu Retd. Rev Thanglianckham in nei in Sprot pat ahi hi. Tamna Volleyball Numei Team 8 lah ah Final LYF Tuaitengphai vs LYF Bethel Chapel Hiangzou kimawl in Tuaitengphai LYF in Champion in Belsun Khap 9 asang hi. Tualeh Football Pasal Team 8 lah ah, Final LYF Tuaitengphai vs LYF T. Daijang akimawl ua, T. Daijang LYF in Champion, Belsun Khap 9 asang uhi. Sport tawpna leh Nuomman hawmna Pastor M. Thangboi Zou in nei in kipahtah in zaw ahi tahi.

“Mi lawsamte khu za lah sawmkuo leh kuote khu siemkitan nuom mite ahi uhi” - **George Washington Carver**

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuum khanletna ding)

If undelivered, please return to
The Editor, Gospel Tangkou
MELC Office, Hqtr. Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Printed at



Convention Book House
Dorcas Hall Campus, New Lamka

BOOK POST

To

.....

.....

.....